

普渡科儀

慈尊輦駕 九頭獅子 聲吼震破地獄門
九色蓮花座 接引幽魂 受度離塵埃

太上皈命禮雲集說法大天尊（三稱）

天垂依寶蓋ヒ重重現 地湧依蓮花ヒ朵朵開
紫金依瑞相ヒ憫眾生 慈悲依妙法ヒ救諸苦
尋聲依化身ヒ垂慈濟 隨處依甘露ヒ生淨土
足躡依十方ヒ九品蓮 幽魂依承此ヒ功德義

太上長樂界妙嚴宮

大慈青玄太乙救苦天尊ヒヒ

太上皈命禮九幽拔罪大天尊（三稱）

三皈依

稽首ヒ皈依道 道在玉京山 玉京山說法

說法利人天 皈依元始大天尊

稽首ヒ皈依經 經寶演靈文 靈文書鳳篆

鳳篆廣宣揚 皈依靈寶大天尊

稽首ヒ皈依師 師心似水清 水清秋月現

月現廣無邊 皈依道德大天尊

太上皈命禮三清道祖大天尊（三稱）

開經偈

無上甚深ヒヒ微妙法 百千萬劫ヒヒ難遭遇
我今見聞ヒヒ得受持 願解道法ヒヒ真實義

太上皈命禮福生感應大天尊(三稱)

太上洞玄靈寶十方救苦拔罪妙經

爾時

救苦天尊 遍滿十方界 常以威神力救拔 諸眾
生 得離於迷途 眾生不知覺 如盲見日月
我本太無中 拔領無邊際 慶雲開生門 祥煙
塞死戶 初發玄元始 以通常感機 救一切罪
度一切厄 杳杳超仙源 蕩蕩自然清 皆成大

道力 攝伏眾魔精 空中何灼灼 名曰泥丸仙
紫雲覆黃老 是名三寶君 還將天上氣 以制
九天魂 救苦諸妙神 善見救苦時 天上混無
分 天氣歸一身 皆成自然神 自然有別體
本在空洞中 空洞跡非跡 遍體皆虛空 第一
委氣力 第二順氣生 第三成萬法 第四生光
明 天上三十六 地下三十六 太玄無邊際

妙哉大洞經 皈命

太上尊能消一切罪

東方玉寶皇上天尊

南方玄真萬福天尊

西方太妙至極天尊

北方玄上玉宸天尊

東北方度仙上聖天尊

東南方好生度命天尊

西南方太靈虛皇天尊

西北方無量太華天尊

上方玉虛明皇天尊

下方真皇洞神天尊

道言十方諸天尊 其數如沙塵化形十方界普

濟度天人 委氣聚功德 同聲救罪魂 罪魂實
可哀 我今說妙經 念誦無休息 歸身不暫停
天堂享大福 地獄無苦聲 火翳成清署 劍樹
化騫林 上登朱陵府 下入開光門 超度三界
難 逕上元始天 於是飛天神王無鞅數眾 瞻
仰 尊顏而作頌曰

天尊說經教 接引於浮生 勤修學無為 悟真道
自成 不迷亦不荒 無我亦無名 朗詠罪福句
萬遍心垢清 爾時

飛天神王及諸 天仙眾說是頌畢 稽首

天尊奉辭而退、、

鐵門限

大慈大悲憫眾生 大嘉大捨濟含識
相好光明以資嚴 眾等志心皈命禮、、

發願文

至心發願願我等 歷劫廣脩三業苦
常持妙法救含靈 不被塵網所包纏纏
生生超度三塗難 願得寸心如慧日
能除昏暗照虛空 於諸法中無我人
常起慈悲一乘行 願口常餐甘露味

宣敷淨戒度人天 無談惡語綺言詞
不噉生生含血命 願足不履三惡道
願手不殺一眾生 願身如影輔天尊
坐起周行無捨遠 願與一切諸類等
俱辭餓鬼畜生身 願與三界天人同
一切勤求無上道 發願已竟 皈命

三寶

志心稽首 無上先天道寶
志心稽道 無上玄中經寶
志心稽道 無上混元師寶

青玄讚

妙嚴宮真教主 依へ 救苦大慈ヒヒ天尊 輦駕九

頭獅子座 聲吼破地獄 五苦三途皆得度

依へ 願祈福壽ヒヒ綿長 吉星高照沐恩光

如意保安康 安皈依消災 青玄救苦尊

太上皈命禮太乙救苦大天尊 (三稱)

玉陽施食諸咒儀

提綱

天尊設方便 拔度諸幽魂

鐵圍一時破 究竟令清淨

破地獄咒

茫茫艷都中 重重金剛山

靈寶無量光 洞照炎池煩

九幽諸罪魂 身隨香雲旛

定慧青蓮花 上生神永安

淨艷都離寒庭咒

功德金色光 微微開幽暗
華池流真香 蓮蓋隨雲浮
千靈重元和 常居十二樓
急宣靈寶旨 自在天堂遊

解冤咒

眾生多結冤冤深難解結
一日結成冤冤三世報不歇
我今傳妙法 解除諸冤業
聞誦志心聽 冤家自散滅

沐浴度魂咒

巍巍道德尊 功德已圓齊
降身來接引 師寶自提攜
慈悲洒法水 用以洗沉迷
永度三清岸 長辭五濁泥

（侍者出班行禮出食）

中尊白

一粒嘉穀 一滴清泉
不忍自食 施與幽魂
享吾供者 皆賴道恩
惟道惟靈 覺性常存、、

無量度人元始天尊

無量度人靈寶天尊
無量度人道德天尊
太乙尋聲救苦天尊
太極內煉葛公真君
西河救苦薩公真君
十方救苦真人
十方救苦童子

三皈依九戒

汝諸魂眾

皈依道 永脫輪迴
皈依經 得聞正法

皈依師 不落邪見

自皈依後 稱道為師 更不皈依邪魔外道
信禮常住三寶 再當受持九戒

第一戒者眼不妄視 第二戒者耳不妄聽
第三戒者鼻不妄嗅 第四戒者口不妄言
第五戒者手不妄操 第六戒者足不妄踐
第七戒者身不妄殺 第八戒者意不妄貪
第九戒者心忍如地 從今以後稱道為師
更不再犯前非 持此九真妙戒 各發靜念
早得昇天

五廚經

一炁和太和 得一道皆泰 和乃無一和
玄理同玄際 不以意思意 亦不求無思
意而無有意 是法如是持 莫將心緣心
還莫住絕緣 心在莫存心 真則守真淵
修理志離志 積修不符離 志而不脩志
已業無已知 諸食炁結炁 非諸久定結
炁炁歸諸本炁 隨取當隨洩

甘露咒

悲夫長夜苦 煩惱三塗中 猛火入咽喉

長生饑渴念 一洒甘露雨 如熱得清涼
二洒甘露雨 神魂生大羅 三洒甘露雨
潤及於一切

甘露法食咒

冷冷甘露滋 法味難思議 騫香流七真
冥冥何所疑 受此法食者 生天登紫微
福田高巍巍 供食令清淨 一切有為事
普皆成代命 拔汝三塗苦 施汝九玄慶
臨當受食時 諸天皆讚詠 寒庭多悲苦
回首禮元皇 女青靈寶符 中山真帝書

一念昇太清 再念歸虛無 功德九幽下
旋旋生紫微

三光化食咒

浩精生法炁 氤氳凝天中 兩曜共澄徹
五緯相交通 三光煥已明 寶炁凝三宮
帝鄉會九老 咽服百骸豐 金華照光景
身與日月同 念道上聖前 萬劫壽無窮

回度出生咒

勤修大道法 精心感太冥 黃華真炁降
五臟結胎嬰 幽魂生天堂 飛昇朝上清

福惠無不偏 此食施眾生

普濟法食咒

自然天廚食 吾今與加持 一粒變十方
河沙鬼神共 饑渴永消滅 食之宴瑤池
今將施幽魂 功德不思議 願以此功德
普及於一切 我等與眾生 同歸無上道

太乙寶誥 志心皈命禮

青華長樂界 東極妙嚴宮 七寶芳騫林
九色蓮花座 萬真環拱內 百億瑞光中
玉清靈寶尊 應化玄元始 浩劫垂慈濟

大千甘露門 妙道真身 紫金瑞相 隨機
赴感 誓願無邊 大聖大慈 大悲大願
十方化號 普度眾生億億劫中 度人無量
尋聲赴感

太乙救苦天尊青玄九陽上帝

稽首皈依東極宮 太乙尋聲救苦尊
左手碧盃盛甘露 右手楊枝洒靈津
大聖大慈濟世界 大悲大願度亡靈
我今稽首皈命禮 志心稱念太乙尊
太乙救苦天尊

垂慈普濟天尊

三茅應化天尊

懺悔文

經功法力不思議 回向十方諸聖眾眾
願見真心求懺悔 河沙罪障悉消除
懺悔眾等 自從曩劫 乃至今生 假火風地水
以成形 戀香味色聲而觸法 貪嗔癡毒 惡口
妄言 殺盜邪淫 恣情縱慾 逆辱父母 背負
君師 不敬天地神祇 訶風罵雨 不信罪福因
果 昧理欺心 遂至報對升沉 輪迴展轉 受

諸苦惱 無有休期 蓋由一念之差 障迷自性
妄認六塵之幻 沉溺愛河 今茲已獲人身 叨
親正教 豈非千生慶幸 一旦遭逢 自合省心
早求度世 若復似前流蕩 畢竟迷失本來 恐
墮冥途 化為異類 是故思沉淪苦 發清淨心
皈叩 聖真哀求懺悔 慨憐愚昧 原赦罪愆
解釋報冤 蠲消魔障 所覲命逢昌運 名注丹
臺 際遇真師 親聞至道 精修妙行 增長善
芽 進節玄門 凝神真境 他日運應滅度 自
性不致昏迷 逕生十善之家 能通宿命還證

上乘之道 臣侍虛皇 上

願國安民豐時和歲稔
願宗風丕闡道化興行
願兇惡化賢邪魔歸正
願兵刑罔措圉空閑
願沉滯昇遷冤仇和釋
願參玄學者悟道成真
願現在父母增延福壽
願過去尊親早得超昇
願歷世師友同證真常

願歷劫宗親均皆超度
願所傷物命早生人天
願絕食葷酒不相殺害
願持身端正不履邪淫
願悉破慳貪滅除嶮峻
願言無誑妄行貴純真
願弱己饒人潛忍忿怒
願慈心下氣恭敬一切
願不墮邊夷不隨邪見
塵劫有盡 我願無窮端望

聖真曲垂濟度 三皈依內不落邪見

詠讚

青華教主 太乙慈尊 玉清應化現金身
大開甘露門 接引群生 永出愛河津
太上皈命禮十方救苦大天尊

靈官寶誥 志心皈命禮

先天主將 一炁神君 都天糾察大靈官 三界無
私猛烈將 金睛朱髮 號三五火車雷公 鳳嘴
銀牙 統百萬貔貅神將 飛騰雲霧 號令雷霆
降雨開晴 驅邪治病 觀過錯於一十二年受

命玉帝 積功勳於百千萬種 誓佐祖師至剛
至勇 濟死濟生 方方闡教 處處開壇 豁落猛
吏三五火車

大靈官王天君

太乙雷聲應化天尊

土地咒

此間土地 神之最靈 昇天達地 出幽入冥
為吾關奏 不得留停 有功之日 名書上清
上奉慈尊 下濟幽冥 脫化仙鄉 同賴善果
證無上道 一切信禮 志心稱念

十方救苦天尊 不可思議功德

願消三障諸煩惱 願得智慧證盟了

普願災障悉消除 世世常行無上道

四恩三有均利益 十洲三島任逍遙

回向四府眾龍神 禮謝道經師三寶

恭誦圓滿福無邊 風調雨順民安樂

自皈依道 當願眾生超脫一切 住最上乘

自皈依經 當願眾生深明經藏 神通莫測

自皈依師 當願眾生太上授首 成大仙道

稽首

聖眾天尊

收經讚

誦經功德 不可思議 諸天諸地轉靈機
國運壽夭齊 大道慈悲 萬化樂雍熙
太上皈命禮無量福生大天尊